
Saksnr: 2021/2254-4
Saksbehandlar Ida-Beate Mølmesdal
Dato: 19.02.2021

Til: Rådet for menneske med nedsett funksjonsevne

Frå: Fylkesrådmann

Informasjon om klimaplanprosessen - Rådet for menneske med nedsett funksjonsevne

Samandrag


Arbeidet med å utarbeide ein ny regional plan for klima har starta opp, og dette dokumentet er meint som eit informasjonsnotat til Rådet for menneske med nedsett funksjonsevne om at prosessen er i gang.

Bakgrunn for arbeidet

Utviklingsplan for Vestland¹ er vedtatt og Vestland fylkeskommune har starta arbeidet med ein regional plan etter plan- og bygningslova (PBL 2008). Planprosessen skal ende med ein plan som synleggjer korleis vi i Vestland skal jobbe for å legge klima og miljø som premiss for samfunnsutviklinga, samt følgje opp tilhøyrande strategiar. Utviklingsplanen legg også nokre føringar for korleis ein regional planprosess skal gjennomførast i Vestland, både framdrift, organisering og medverknad.

Planarbeid i Vestland er inndelt i fem hovudfasar:

- **Utarbeiding og høyring av planprogram**
- Utarbeiding av planforslag
- Høyring og offentleg ettersyn
- Vedtaksfase fram til vedtak i fylkestinget
- Gjennomføringsfase



Vi jobbar no med denne fasen

Dette notatet er ei orientering til rådet og meint som eit fyrste dokument for å kople rådet på arbeidet. Vi vil i hovudsak informere om fyrste fase - *planprogramfasen (fase 1)*. Heile planprosessen vil følgje framdrift som skildra i utviklingsplanen, med vedtak av planen og handlingsprogram innan 2 år. Organiseringa av arbeidet tek utgangspunkt i hovudprinsippa om enkel organisering, bruk av eksisterande organ der mogeleg, samt sikre brei medverknad i sektorovergripande tema. I utviklingsplanen vert det skildra at oppstartsfasen kan vere enklare organisert enn planfasen (s. 43).

¹ [Utviklingsplan for Vestland](#)

Kvifor lagar vi eit planprogram?


Krav om planprogram gjeld for alle regionale planar etter plan- og bygningslova, som denne planen er. Som eit minimum skal planprogrammet forklare kvifor vi skal gjennomføre dette planarbeidet og kva vi ynskjer å oppnå, vi skal skildre kva vi tenkjer å gjere i planprosessen, og korleis vi skal organiserer medverknadsprosessen. Eit planprogram er ei «oppskrift» eller «plan» for planlegginga, både på innhald og prosess.

Kva vi har gjort til no

- Det er etablert ei intern arbeidsgruppe som har som oppgåve å utarbeide eit planprogram på ein effektiv og god måte. Det er ikkje planlagt store eksterne medverknadsprosessar før planprogrammet vert lagt ut på offentleg høyring.
- Arbeidsgruppa jobbar for å få ei oversikt over tilgjengeleg kunnskap for å skaffe ei oversikt over kunnskapsgrunnlaget som grunnlag for å diskutere overordna tema. Samstundes ser vi etter behov for nye utgreiingar. 2020-2030 vert ofte omtalt som «handlingens tiår», så vi ynskjer å bruke mest tid på den delen av planane som inkluderer handling, altså mål og tiltak.
- Arbeidsgruppa har gjennomført to møter med enkel evaluering av gjeldande klimaplanar i frå Hordaland og Sogn og Fjordane. Eitt møte saman med Statsforvaltaren (gamle Fylkesmannen i Vestland) og eitt møte internt i klimaseksjonane i fylkeskommunen. Dette har vore ein arena for å løfte fram dei gode delane av tidlegare arbeid, kva vi har vore mindre gode på, og dialog om vegen vidare.
- Hausten 2020 samarbeida Statsforvaltaren og seksjon for plan, klima og folkehelse om å gjennomføre ei undersøking ute i kommunane. Dette var fyrste aktivitet knytt til planprosessen. Vi spurte om kva planar dei hadde for å lage eigen nye klimaplanar, samt kva tema dei trengte mest rettleiing på frå Statsforvaltaren og fylkeskommunen. Dette gav god oversikt over planane i kommunane, samt betre oversikt over tilpassing av fylkeskommunen sin planprosess til kommunane sine prosessar.
- Det er etablert ei eiga [nettside for klimaplanarbeidet](#). Denne sida vil bli oppdatert kontinuerleg etter kvart som planprosessen får meir fastsette rammer og politiske vedtak. Nettsida inkluderer to viktige punkt per i dag:
 - Klimadashbord som gir oversikt over klimagassutsleppa i Vestland, også på kommunenivå. Dette kan vere ein ressurs for kommunane i sitt arbeid.
 - Enkel [spørjeundersøking](#) om kva Vestlandssamfunnet meiner er viktige tema for ein ny klimaplan. Vi oppmodar alle til å fylle inn kva dei meiner er viktige tema. **Del gjerne** med dykkar kontaktar også.

Framdriftsplan for utarbeiding av planprogrammet

Planprosessen legg den overordna strukturen som er naudsynt for å nå måla i utviklingsplanen. Vi riggar no det grønne lokomotivet. Dei politiske visjonane skal operasjonaliserast, og vi må legge strukturane for å korleis vi skal arbeide med samfunnsutviklinga vidare. Planprogramfasen følgjer denne skissa for framdrift. Fylkesutvalet får utkast til planprogram til handsaming 20. april, og vel då å legge dette ut på høyring.



Rådet vidare i planprosessen

Arbeidet med ein regional plan som skal ta for seg klimautfordringane er relevant for heile Vestlandssamfunnet, og det er ynskjeleg å mellom anna kople på dei ulike råda og Vestland ungdomsutval. Når utkast til planprogram vert lagt ut på høyring etter møtet 20. april ynskjer vi å komme attende til eit møte i Rådet for menneske med nedsett funksjonsevne for å kunne presentere innhald og svare på eventuelle spørsmål. Dersom dette er ynskjeleg må rådet gi tilbakemelding på dette.

Planprogramfasen inkluderer lite ekstern involvering utover offentleg høyring av utkast til planprogram. Vidare i planprosessen med å utforme eir godt plandokument ynskjer vi dialog med rådet å sikre at relevante omsyn vert tatt og at vi utformar ein berekraftig klimaplan for innbyggjarane i Vestland.

Vi oppmodar Rådet for menneske med nedsett funksjonsevne til å komme med ein uttale på høyringsdokumentet i høyringsperioden.